

Manaidsear Rianachd Foghlaim



Fios mun Dreuchd

www.smo.uhi.ac.uk

A charaid/A bhanacharaid

Tha sinn fìor thoilichte gu bheil sibh air ùidh a nochdadh san dreuchd Manaidsear Rianachd Foghlaim.

Annas a' phasgan seo, thathas air beagan fiosrachaidh a tharraing ri chèile airson blasad a thoirt dhuibh air na bhios a' dol aig a' Cholaiste agus air an t-seòrsa àrainneachd-obrach a tha againn. Tha 115 neach-obrach sa Cholaiste (agus a' mhòr-chuid dhiubh sin aig astar an-dràsta, ri linn Covid-19aig) ach tha eachdraidh làidir againn a bhith ag obair mar sgioba le dàimhean làidir agus feallsanachd co-obrachail.

Tha mi an dòchas gun còrd na leanas ribh agus gum bi sibh airson ur n-iarrtas a thoirt air adhart chun na h-ath ìre. Ma tha ceistean sam bith agaibh no ma tha am barrachd fiosrachaidh a dhìth oirbh faodar bruidhinn rium aig àm sam bith.

Le deagh dùrachdan

Gillian Rothach

Prionnsapal na Colaiste

01471 888 200

prionnsapal@smo.uhi.ac.uk

Tha àrainn oideachaidh air leth aig Sabhal Mòr Ostaig. Tha na cùrsaichean agus a' Cholaiste gu lèir tro mheadhan na Gàidhlig - an aon Cholaiste den t-seòrsa seo an Alba agus san t-saoghal. Tha a' Cholaiste stèidhichte ann an Slèite anns an Eilean Sgitheanach, sgìre a tha ainmeil airson bòidhchead na h-àrainneachd.

Chaidh a' Cholaiste a stèidheachadh ann an 1973 agus bhon uair sin tha i air cliù a chosnadh air feadh an t-saoghail mar Ionad airson Cànan agus Cultar na Gàidhlig. 'S e colaiste spèisealta a th' innte, a' tabhann foghlam àrd-ìre, foghlam leantainneach agus cothroman rannsachaidh. Tha Sabhal Mòr Ostaig mothachail air cho cudromach 's a tha bunait làidir airson a' chànain, a' chultair agus nan ealan agus tha i an sàs ann an iomadh pròiseact gus seo a thoirt air adhart.

“Far am faigh a h-uile neach cothrom pàirt a ghabhail ann an leasachadh na Gàidhlig”

Amas na Colaiste

Tha Sabhal Mòr Ostaig airson a bhith na shàr ionad acadaimigeach aig cridhe leasachaidhean ann an cànan agus dualchas nan Gàidheal le bhith a' tairgsinn deagh chothroman foghlaim, trèanadh agus rannsachaidh tro mheadhan na Gàidhlig agus le bhith a' dol an sàs gu h-innleachdach còmhla ri daoine eile, luchd-gnìomhachais agus a' choimhearsnachd air fad gus leasachaidhean sòisealta, dualchasach agus eaconamach a chur air adhart. Tha a' Cholaiste na h-àite foghlaim làn-Ghàidhlig agus na h-àite gnìomhachais làn-Ghàidhlig, le sàbhaladh, brosnachadh agus leudachadh na Gàidhlig mar phrìomh adhbhar na Colaiste.

Ar Sealladh

Bidh Sabhal Mòr Ostaig mar:

Shàr ionad nàiseanta is eadar-nàiseanta airson na Gàidhlig
Shàr ionad foghlaim is rannsachaidh
Shàr ionad dha na Meadhanan is na h-Ealain Ghàidhlig
Phrìomh ionad ionnsachaidh na Gàidhlig
Shàr ionad cleachdaidh na Gàidhlig
Phrìomh àite-obrach na Gàidhlig
Làn chom-pàirtiche ann an libhrigeadh Plana Nàiseanta na Gàidhlig

Luachan agus Dòighean-obrach an t-Sabhail

A' brosnachadh Co-ionannachd

Tha co-ionannachd aig cridhe obair na Colaiste anns a h-uile dòigh.

Miann

A' togail air soirbheachas mar Ionad Nàiseanta Cànan is Cultar na Gàidhlig gus coimhearsnachd na Gàidhlig a mhisneachadh agus a neartachadh.

A' Ghàidhlig

Tha an cànan aig cridhe obair na Colaiste agus tha sinn a' dèanamh a h-uile oidhirp airson a neartachadh agus a leasachadh anns gach raon de ar n-obair.

Sàr-ionad

Tha a' Cholaiste stèidhichte airson a bhith na shàr-ionad foghlaim, rannsachaidh agus leasachaidh, ag obair còmhla ri ar coimhearsnachdan is com-pàirtichean ionadail, nàiseanta agus eadar-nàiseanta. Tha e mar amas dhuinn taic a chur ri ar n-oileanaich agus ri ar luchd-obrach a chum maith am beatha.

Aig cridhe na Coimhearsnachd

Tha Sabhal Mòr Ostaig aig cridhe coimhearsnachd na Gàidhlig, aig ìre ionadail, nàiseanta agus eadar-nàiseanta.

Daoine

'S iad ar daoine - luchd-obrach, oileanaich, buill ar coimhearsnachd agus ar luchd-ceuma a tha sgapte air feadh an t-saoghail, an neart as motha a th' againn. Bidh sinn ag obrachadh gu dlùth còmhla riutha gus an Ro-innleachd seo a thoirt gu buil.

Fosgailte agus Onarach

Tha soirbheachas na Colaiste an crochadh gu mòr air a bhith a' dèiligeadh ri daoine gu h-onarach agus gu fosgailte agus a bhith dìreach nar cuid conaltraidh ris gach neach leis a bheil sinn ag obrachadh.

Ùr-ghnàthach

Tha a' Cholaiste air cliù a chosnadh dhi fhèin mar shàr-ionad ùr-ghnàthach aig cridhe leasachadh na Gàidhlig

A' Cur ri luach eaconamach agus sòisealta

Tha buaidh mhòr aig obair an t-Sabhail Mhòir air eaconamaidh agus coimhearsnachd na Gàidhlig agus tha a' Cholaiste a' creidsinn gu mòr ann a bhith a' sgaoileadh nam buannachdan sin a tha i a' cruthachadh gu maith ar coimhearsnachdan air fad.

Cùrsaichean is Oileanaich

'S e colaiste ùr-ghnàthach a th' ann an Sabhal Mòr Ostaig agus tha i na com-pàirtiche acadaimigeach ann an Oilthigh na Gàidhealtachd 's nan Eilean. Tha goireasan ionnsachaidh air leth ann, leabharlann sònraichte, spèisealta, agus tha àiteachan-fuirich agus ionad cùraim chloinne air an àrainn.

Tha na h-oileanaich làraich againn airson 2020-21 ag ionnsachadh aig astar an-dràsta, ri linn suidheachadh Covid-19. Tha còrr is 300 oileanaich eile againn cuideachd, a tha an còmhnaidh air astar, eadar An Cùrsa Inntrigidh agus An Cùrsa Adhartais, sin an àireamh as motha gu ruige seo. Tron chiad ùine fo ghlais, ghluais sinn na Cùrsaichean Goirid air loidhne is fhuair 440 neach taic, teagasg agus oideachadh sa Ghàidhlig agus ann an ceòl, seinn is cultar na Gàidhlig, tro mhìosan an t-samhraidh. 'S ann às Alba agus an Rìoghachd Aonaichte a bhios a' mhòr-chuid ach tha oileanaich air tighinn thugainn às na Stàitean Aonaichte, dùthchannan Eòrpach agus Àisia cuideachd. Tha e àbhaisteach gum bi co-dhiù fichead dùthaich air a riochdachadh am measg oileanaich an t-Sabhail, sa bhliadhna.

Tha luchd-ceumnachaidh an t-Sabhail air a dhol air adhart gu dreuchdan Gàidhlig ann an iomadach gnìomhachas, a' cur an sgilean gu feum ann an leasachadh a' chànain. Tha còrr is 1,000 ceumnaiche air tighinn tro dhorsan na Colaiste, bhon a thòisich na cùrsaichean àrd-ìre ann an 1985.

Foghlam Leantainneach

Cùrsaichean Goirid - Gàidhlig - gach ìre

Cùrsaichean Goirid - Ceòl - measgachadh

An Cùrsa Inntrigidh - do luchd-tòiseachaidh air astar

FA Clann agus Daoine Òga (sgoilearan S5 agus S6)

FA Na Meadhanan Didseatach agus Cruthachail (sgoilearan S5 agus S6)

Teisteanasan Foghlam Àrd ìre

An Cùrsa Adhartais - do luchd eadar-mheadhanach air astar

An Cùrsa Comais - do luchd eadar-mheadhanach (làrach)

Gàidhlig is Conaltradh - bliadhna cànan do dh'fhileantaich (làrach)

Ceumannan

BA (Urr) Gàidhlig is Leasachadh

BA (Urr) Gàidhlig is Ceòl Traidiseanta

BA (Urr) Gàidhlig is Foghlam (teisteanas teagaisg na lùib) BA (Urr) Cànan is Cultar na Gàidhlig

Dioplòma anns na Meadhanan Gàidhlig (PDA)

For-cheumannan

MSc Cultar Dùthchasach agus Eachdraidh na Gàidhealtachd

Modal ann an Sgilean Deasachaidh

Sgilean Eadar-theangachaidh (ga dhearbhadh)

PGDE Gàidhlig (àrd-sgoil)

STREAP – PGCert/Dip le Oilthigh Obar Dheathain do thidsearan

PDA Eadar-theangachadh (ri dhearbhadh)

Cothroman MLitt, MRanns agus PhD

Àrainneachd Bheothail

'S e stèidheachd ionnsachaidh bheothail, adhartach a th' ann an Sabhal Mòr Ostaig, a bhios ag amas air coimhearsnachd Ghàidhlig làn mhisneachd is soirbheachais a bhrosnachadh. Tha iomadh pròiseact agus buidheann stèidhichte air làrach na Colaiste (faicibh an liosta gu h-ìosal), agus iomadh tachartas ionadail air an cumail ann cuideachd.

Tha iomadh togalach againn air an làraich agus bidh buidhnean is pròiseactan stèidhichte againn a' dearbhadh cho cudromach 's a tha com-pàirteachas ann an saoghal na Gàidhlig agus mar a tha a' Cholaiste cuideachd a' cumail taic ri gnìomhachasan anns an sgìre fhèin.

Pròiseactan (far a bheil com-pàirt aig a' Cholaiste)

SOILLSE

Faclair na Gàidhlig

Ainmean Àite na h-Alba

Tobar an Dualchais

Companaidhean agus Buidhnean leis a' Cholaiste

Fàs Mòr - ionad cùraim chloinne

Cànan (CGS) - Companaidh ioma-mheadhan na Colaiste

SkyeSpace - stiùidio agus goireasan clàraidh

Luchd-màil nan Oifisean

Dualchas - ailtirean

Seumas Ó Baoighille Ltd - gnìomhachas ionadail

DEARG - Bùth ghibhitean

SEALL – companaidh ealain ionadail

Sealladh - companaidh riochdachaidh telebhisein

Young Films – companaidh film

TIOTAL-OBACH	Manaidsear Rianachd Foghlaim
ROINN	Roinn an Fhoghlaim
AN URRA RI	Iar-phrionnsapal/Stiùiriche an Fhoghlaim
UALLACH AIRSON	Chan eil uallach stiùridh na lùib
SGEÌLE TUARASTAIL	£29,000-£33,000 (a rèir sgilean is eòlais)
PRÌOMH ÀITE-OBACH	Sabhal Mòr Ostaig
CÙMHNANT	Làn-ùine (ach fosgailte uairean subailte)
PRÌOMH AMAS NA H-OBACH Seirbheis rùnaireachd agus co-òrdanachaidh a thabhann do Roinn an Fhoghlaim	

Iarrtasan na dreuchd

Siostaman Rianachd

- A' co-òrdanachadh clàr acadaimigeach na bliadhna, agus a' cruinneachadh agus a' deasachadh dàta airson KPI's is slatan-tomhais eile a tha dhìth airson aithisgean na Roinne
- A' cumail siostam èifeachdach air Sharepoint airson pàipearan na Roinne
- A' cumail chlàran iomchaidh a thaobh diofar chuspairean, ach co-dhiù a thaobh droch-ghiùlain acadaimigeach, gearanan oileanach agus ath-thagraidhean Acadaimigeach (Appeals)

Stiùireadh

- Stiùireadh Neach-taic Clàriadh agus Ard-rianaire Chùrsaichean Air-loidhne

Co-òrdanachadh agus Deasachadh

- A' cumail taic ris an Stiùiriche Foghlaim le obair na roinne, a' cuideachadh an luchd-teagaisg agus na manaidsearan rian a chumail air gnothaichean, le taic airson choinneamhan, a' cruinneachadh agus a' sgaoileadh pàipearan, a' cuideachadh le sgrìobhadh aithisgean agus a' cur an cuimhne luchd-obrach nuair a tha puingeagan-gnìomhe rin coileanadh

Sgiobachd (an co-bhonn ris a' Mhanaidsear Sgiobachd)

- A' cumail taic ri Stiùiriche an Fhoghlaim, le taic is comhairle bhon Roinn Sgiobachd, airson dearbhadh gu bheil na siostaman ann an Roinn an Fhoghlaim gan cur an gnìomh do luchd-obrach a bhios a' tighinn agus a' falbh, agus le trusadh luchd-obrach ùra.

Siostaman Càileachd

- A' cumail taic ri Manaidsearan le bhith a' co-òrdanachadh phròiseasan am measg luchd-teagaisg agus an sgioba foghlaim

Obair Chomataidhean

- Bidh obair rùnaireachd (Pàipearan, clàran-gnothaich, gearr-chunntasan agus stiùireadh phuingeagan gnìomha) a dhìth airson comataidhean na Roinne.
- Dleastanasan clèireachd àbhaisteach eile

Iarratsan na Colaiste

Bithear a' suileachadh gun:

- Cuir thu gu for-ghnìomhach ris an leasachadh pearsanta agad fhèin
- Dèan thu cinnteach gu bheil cunbhalachd agus co-ionannachd anns an dòigh-obrach agad an-còmhnaidh, a' nochdadh giùlan a tha a rèir feallsanachd na Colaiste
- Dèan thu cinnteach gun cumar ri reachdas agus riatanasan GDPR an-còmhnaidh agus poileasaidhean na Colaiste mar a dh'fheumar, a' toirt a-steach uallach iomchaidh airson dèanamh cinnteach à slàinte agus sàbhailteachd thu fèin agus feadhainn eile
- Gabh thu os làimh obair sam bith a dhèanamh ann an deagh àm agus a rèir clàr-ama na roinne/a' Mhanaidseir
- Coilean agus gun leasaidh thu deagh-ghnè na Colaiste
- Gabh thu os làimhe obair iomchaidh sam bith eile a dhèanamh mar a bhios feum aig a' Cholaiste bho àm gu àm

Fiosrachadh Eile

- 'S e Sabhal Mòr Ostaig am fastaiche
- Bidh thu ag obair 35 uairean san t-seachdain (cuirear fàilte air iarrtasan airson uairean sùbailte cuideachd ge-tà)
- Gheibhear 35 saor-latha sa bhliadhna (làithean poblach nam measg) *pro rata*. Cha tèid na làithean a chuingealachadh san fharsaingeachd ach cumar 10 làithean ag àm na Nollaige leis gum bi a' Cholaiste fhèin dùinte. Bidh bliadhna nan saor-làithean a' ruith eadar 1 Am Faoilleach – 31 An Dùbhlachd agus cha ghabh an cumail chun na h-ath bhliadhna.
- Tha siostam luachaidh bhliadhnail stèidhichte aig a' Cholaiste
- Thathar a' sùileachadh gun gabh luchd-obrach pàirt anns na cùrsaichean trèanaidh riatanach agus gum bi iad deònach an cuid leasachadh proifeiseanta a leasachadh
- Tha Sabhal Mòr Ostaig a' cur taic ri leasachadh sgilean Gàidhlig
- Tha sgeama peinnsein aig an t-Sabhal Mhòr le Scottish Widows (suas ri 8% bhon Cholaiste) agus bidh cothrom agad clàradh san sgeama àrachais-beatha cuideachd
- Feumar a dhol tro sgrùdadh PVG, seach gur e colaiste a th' ann an Sabhal Mòr Ostaig agus feumaidh an neach soirbheachail pàigheadh airson seo iad fhèin.
- 'S e Sabhal Mòr Ostaig prìomh àite na h-obrach ged a bhios agad ri siubhal bho àm gu àm gu coinneamhan is tachartasan. Bhite deònach coimhead ri beagan sùbailteachd airson dreuchd mar seo far am biodh cothrom ann a bhith ag obair an dà chuid bhon taigh agus aig a' Cholaiste. Aig an ìre seo bidh thu stèidhichte aig an dachaigh, tro Chovid-19.

SONRACHADH PEARSA

Foghlam is Teisteanasan

- Bidh ceum agad no teisteanas rianachd, no eòlas iomchaidh

Eòlas

- Ag obair le comataidhean
- Eòlas air obair rùnaire/rianachd

Sgilean

- Fileantachd sa Ghàidhlig
- Comas fiosrachadh mionaideach a chur a-mach ann an dòigh shoilleir, sgiobalta
- Sgilean pearsanta agus conaltraidh math
- Sgilean co-òrdanachaidh
- Eòlas air stiùireadh luchd-obrach
- Comasach a bhith neo-thaobhach agus neo-eisimeileach
- Comas a bhith ag obair ri cinn-ùine agus a' cur phrìomhachasan romhad gus an gabh rudan a chrìochnachadh ann an àm
- Nad bhall èifeachdach de sgioba agus comasach air obrachadh gun mòran stiùiridh
- Sàr sgilean planaidh agus rianachd
- Comasach fiosrachadh diomhair a làimhseachadh
- Sùil mhionaideach is gheur
- Sàr sgilean geàrr-chunntais a sgrìobhadh
- Sgilean ICT mar a bhios iomchaidh don phost

Sùbailteachd

- Comas a bhith sùbailte, far am bi feum air seo, ged nach eilear an dùil gun èirich suidheachaidhean mar seo tric

Fios mu Iarrtasan

Co-ionannachd Chothroman

Tha co-ionannachd chothroman aig cridhe Shabhal Mòr Ostaig.

Iarrtasan

Gheibhear foirmichean-iarrtais air an làrach ìn aig www.smo.uhi.ac.uk

Ceann-là

5f Dihaoine 02/07/21

Agallamhan

Ri aontachadh agus thèid an cumail air Zoom.

Barrachd Fiosrachaidh

Faodar còmhradh neo-fhoirmeil a chumail le Dr. Marsaili NicLeòid, Stiùiriche an Fhoghlaim air 01471 888 302 no air post-d: mnl1.smo@uhi.ac.uk